

春
秋
左
傳
詁

春秋左傳詁卷七

陽湖洪亮吉學

傳

僖公元年春不稱卽位公出故也公出復入不書諱之也
諱國惡禮也 諸侯救邢邢人潰出奔師師遂逐狄人具
邢器用而遷之師無私焉 夏邢遷于夷儀諸侯城之救
患也凡侯伯救患分災討罪禮也 秋楚人伐鄭鄭卽齊
故也盟于犖謀救鄭也 九月公敗邾師于偃虛之成
將歸者也註服虔云虛卽魯邑魯有亂邾使兵戍虛卽魯
與邾無怨因兵將還襲而敗之所以惡僖公也冬莒人
來求賂公子友敗諸鄆獲莒子之弟挈非卿也嘉獲之也

公賜季友汶陽之田及費音賈逵云汶陽鄆魯二邑

史記集解

按此則賈逵左傳本作鄭與史記同索隱曰鄆今作費

音秘水經汶水出泰山萊蕪縣西南入濟

杜本此

夫人氏

之喪至自齊君子以齊人之殺哀姜也爲己甚矣女子從人者也

二年春諸侯城楚丘而封衛焉不書所會後也 晉荀息

詁王符潛夫論作郇息按此則息蓋晉大夫食采于郇

因以爲氏說文郇周武王子所封國在晉地郇荀古字

通水經注汾水下古水又西逕荀城東古荀國也汲郡

古文晉武公滅荀以賜大夫原氏

竹書紀年下有黯字

又竹書紀

年莊伯以曲沃叛伐翼公子萬救翼荀叔軫追之此荀

叔軫豈息之宗耶請以屈產之乘韻服氏謂產爲產生

也公羊疏與垂棘之璧假道於虞以伐虢公羊疏作郭戰國策同韻

賈逵云虞在晉南號在虞南史記集解公曰是吾寶也對曰

若得道於虞猶外府也公曰宮之奇存焉對曰宮之奇之

爲人也懦而不能強諫宋本及穀梁傳強竝作彊韻廣雅懦弱也杜本此

且少長於君君暱之雖諫將不聽乃使荀息假道於虞曰

冀爲不道入自顛輪水經注顛作顛韻郡國志河東郡皮氏有冀

亭大陽有顛輪坂杜同鄭道元云傳巖東北十餘里卽

顛輪坂也伐鄭三門韻說文鄭晉邑春秋傳曰伐鄭三

門服虔云鄭晉別都郡國志注又云謂冀伐晉也本疏水經河

水又東過砥柱間道元注亦謂之三門矣冀之旣病則

亦惟君故詔服虔謂虞助晉也將欲假道稱前恩以誘之

上同今號爲不道保於逆旅詔荀子作御旅按御與返同

尙書返字皆作御御迎也迎卽逆也以侵敝邑之南鄙

敢請假道以請罪于號虞公許之且請先伐號宮之奇諫

不聽遂起師夏晉里克荀息帥師會虞師伐號滅下陽詔

服虔云下陽號邑在大陽東北三十里史記集解水經注同惟無北字

先書虞賄故也秋盟于貫服江黃也齊寺人貂始漏

師于多魚國語及管子呂覽劉向說苑並作豎刁漢書作豎貂號公敗戎于桑田晉

卜偃曰號必亡矣亡下陽不懼而又有功是天奪之鑿而

益其疾也必易晉而不撫其民矣不可以五稔詔韋昭國

語注稔熟也杜木此冬楚人伐鄭鬬章囚鄭聃伯

三年春不雨夏六月雨自十月不雨至于五月不日旱不爲災也 秋會于陽穀謀伐楚也 齊侯爲陽穀之會來

尋盟冬公子友如齊涖盟 楚人伐鄭鄭伯欲成孔叔不

可曰齊方勤我棄德不祥 爾雅祥善也 齊侯與蔡

姬乘舟于囿 王逸楚辭注囿苑也 蕩公 賈逵云

蕩搖也 公懼變色禁之不可公怒歸之未之

絕也 蔡人嫁之 諸本竝誤作未絕之也 今从石經及宋本改正

四年春齊侯以諸侯之師侵蔡蔡潰遂伐楚楚子使與師

言曰 君處北海寡人處南海惟是風馬

牛不相及也 賈逵云風放也 牝牡相誘曰風 服虔同

本 疏 按廣雅釋名竝同賈服又呂覽乃合纍牛騰馬游牝

于牧高誘注繫牛父牛也騰馬父馬皆將羣游從牝于

牧之野風合也不虞君之涉吾地也何故管仲對曰昔

召康公命我先君大公詩服虔云召公奭史記京相璠曰

召亭在周城南十五里水經注杜取此曰五侯九伯詩賈逵云

五等諸侯九州之伯周禮疏杜取此服虔云五侯公侯伯子男

九伯九州之長大公為王官之長掌司馬職以九伐之

法征討邦國故得征之詩疏女實征之以夾輔周室賜我

先君履東至于海西至于河詩服虔云是皆大公始受封

土疆界所至也史記南至于穆陵詩春秋六事表穆陵

關在青州臨朐縣東南一百五里北至于無棣詩水經

注清河又東北無棣溝出焉淇水下又引京相璠曰舊

說無棣在遼西孤竹縣通典鹽山春秋之無棣邑也鄭

道元云管仲以責楚無棣在北方之爲近爾貢包茅不

入

高誘呂覽注引傳包茅作苞菲顏師古漢書注亦同

詩韓非子外儲說曰是時楚

之菁茅不貢於天子三年矣賈逵云包茅菁茅包匭之

也以供祭祀

史記集解

王祭不共

說文引傳共作供釋文云本亦作供按共供古字通

無以縮酒**詩**說文舊禮祭束茅加于裸圭而灌鬯酒是爲

菁象神歆之也春秋傳曰爾貢包茅不入王祭不供無

以菁酒按今本作縮周禮鄭興注菁讀爲縮寡人是徵

昭王南征而不復**詩**服虔云周昭王南巡狩涉漢未濟船

解而溺昭王王室諱之不以赴諸侯不知故桓公以爲

辭責問楚也

史記集解

按高誘呂覽注引此傳作沒而不復

蓋一本有沒字唐石經于而字上亦旁增一沒字又正義引舊說皆云漢濱之人以膠膠船故得水而壞昭王溺焉不知本出何書寡人是問對曰貢之不入寡君之罪也敢不共給

呂覽注作敢不共乎

昭王之不復君其問諸水濱

宋忠云丹陽南郡枝江縣也枝江去漢其路甚遙昭王

時漢非楚境故不受罪也

本疏杜本此

說文類水厓人所賓

附類蹙不前而止从頁从涉廣雅云濱厓也類類比也

徐鉉曰今俗作水濱非是按詩大雅池之竭矣不云自

類毛傳類厓也鄭箋云類當作濱殊誤今濱又別作濱

或省作浜要皆類之或字也師進次于陘夏楚子使屈

完如師師退次于召陵齊侯陳諸侯之師與屈完乘而觀

之齊侯曰豈不穀是爲先君之好是繼與不穀同好如何
對曰君惠徼福於敝邑之社稷說文徼循也徼幸也按
玉篇徼字始要求遮二訓今尋傳義則說文循幸二義
竝通古字徼傲同釋文作傲非也杜注宣十二年傳作

要福義亦同玉篇辱收寡君寡君之願也齊侯曰以此

眾戰誰能禦之以此攻城何城不克對曰君若以德綏諸
侯誰敢不服君若以力楚國方城以爲城漢水以爲池釋文

本或作漢以爲池衍水字

服虔云方城山在漢南

史記集解

又云方城

山也漢水名皆楚之隘塞耳

詩疏

地理志隴西郡氐道禹

貢養水所出東至武都爲漢水經沔水出武都沮縣至
江夏沙羨縣入江水經注汝水又東得醴水醴水又屈

而東南流逕葉縣故城北春秋昭公十五年許遷于葉是也楚盛周衰控霸南土欲爭強中國多築列城于北方以逼華夏故號此城爲萬城或作万字舊本唐勒奏

土論曰我是楚也世霸南土自越以至葉垂境萬里故

號曰萬城也按此則方城當作萬城或作万以字近又

譌作方矣臧琳經義雜記亦云萬城與內傳大城之說

合杜方城取服說漢水本水經地理志雖眾無所用之屈完及諸侯盟

陳轅濤塗謂鄭申侯曰師出於陳鄭之間國必甚病若出

於東方觀兵於東夷循海而歸其可也申侯曰善濤塗以

告齊侯許之當以齊侯絕句申侯見曰師老矣若出於東方而遇

敵懼不可用也若出於陳鄭之間其資糧屣屣方言

扉屨麤屨也廣雅扉屨也釋名齊人謂草屨曰扉杜本

其可也齊侯說與之虎牢執轅濤塗 秋伐陳討不忠也

許穆公卒于師葬之以侯禮也凡諸侯薨于朝會加一

等死王事加二等

註賈逵云謂朝天子以命用師御於是

有以袞斂

註賈逵云袞斂上公九命服袞也同冬叔孫戴

伯帥師會諸侯之師侵陳陳成歸轅濤塗 初晉獻公欲

以驪姬爲夫人卜之不吉筮之吉公曰從筮卜人曰筮短

龜長不如從長

註馬融云筮史短龜史長周禮且其繇曰

專之渝攘公之翰

註說文渝變也攘除也虞翻易注王逸

楚辭章句竝同杜本一薰一蕕廣雅薰草蕕草也王

逸楚辭章句蕕香草也杜本按漢書龔勝傳薰以香自

燒是矣禮記內則牛夜鳴則屠鄭元注屠惡臭也春秋傳曰一薰一蕕廂猶古通十年尙猶有臭必不可弗聽

立之生奚齊其娣生卓子及將立奚齊旣與中大夫成謀姬謂大子曰君夢齊姜必速祭之大子祭于曲沃韻服虔

云齊姜廟所在

史記集解

歸胙于公

穀梁作致福于君史記作歸釐于君

韻章

昭國語注胙祭肉也按胙止可訓肉杜注云胙祭之酒肉則于訓詁不通矣下八年賜齊侯胙卽云祭肉與韋

注同公田姬寘諸宮六日公至毒而獻之韻晉語驪姬

受胙寘醢于酒寘堇于肉賈逵云堇烏頭也公祭之地

地墳

穀梁墳作賁賁墳古今字

與犬犬斃

韻

說文斃頓仆也春秋傳曰

與犬犬斃从犬敝聲或作斃按五經文字注云斃字見

春秋傳又作斃足知唐本又多作斃字也與小臣小臣亦斃姬泣曰賊由大子大子奔新城公殺其傅杜原款或謂大子子辭君必辯焉大子曰君非姬氏居不安食不飽我辭姬必有罪君老矣吾又不樂曰子其行乎大子曰君實不察其罪被此名也以出人誰納我十二月戊申縊于新城呂覽上德篇大子遂以劍外韋昭國語注新城曲沃也新爲大子城姬遂譖二公子曰皆知之重耳奔蒲。鄆道元云蒲川水出石樓山南逕蒲城東卽重耳所奔之處羊求水出羊求川西逕北屈縣故城南城卽夷吾所奔邑夷吾奔屈

五年春王正月辛亥朔日南至公既視朔遂登觀臺以望

節左說天子靈臺在太廟之中雍之靈沼謂之辟雍諸

侯有觀臺亦在廟中皆以望嘉祥也五經異議服氏云人君

入太廟視朔告朔天子曰靈臺諸侯曰觀臺在明堂之

中禮疏及通典而書禮也凡分至啟閉必書雲物爲備故也

節服虔云分爲春秋分至爲冬夏至啟立春夏也陽氣

用事爲啟閉立秋冬也陰氣用事爲閉雲五雲也風氣

日月星辰也分至啟閉天地之大節陰陽之分也故遂

登觀臺望氣以審妖祥變亂之氣先見于八節審其雲

物之形言其所致務爲之備也御覽鄭眾云以二至二分

觀雲色青爲蟲白爲喪赤爲兵荒黑爲水黃爲豐本疏晉

侯使以殺大子申生之故來告初晉侯使士蔿爲二公子

築蒲與屈不慎寘薪焉夷吾訴之公使讓之士蔿稽首而對曰臣聞之無喪而戚憂必讐焉無戎而城讐必保焉寇讐之保又何慎焉守官廢命不敬固讐之保不忠失忠與敬何以事君詩云懷德惟甯宗子惟城君其修德而固宗子何城如之三年將尋師焉焉用慎退而賦曰狐裘尃茸一國三公吾誰適從

詩

服虔云蒙茸以言亂兒三公言君

與二公子將敵故不知所從

史記集解

及難公使寺人披伐

蒲 **詩** 史記晉世家曰獻公使宦者履鞮趣殺重耳韋昭國

語注曰伯楚寺人勃之字也索隱曰卽左傳之勃鞮亦

曰寺人披按披勃同音履鞮急讀卽爲披重耳曰君父

之命不校

諸本或作校今定作校

乃徇曰校者吾讐也踰垣而走披

斬其祛祛服虔云祛袂也

同按說文祛衣袂也祛尺二寸

春秋傳曰披斬其祛

杜取服說

遂出奔翟鄭道元云晉公

子重耳出亡及柏谷卜適齊楚狐偃曰不如之翟

水經注

夏公孫茲如牟娶焉

釋文娶本又作取

會于首止會王太子鄭

服虔云惠王以惠后故將廢太子鄭而立王子帶故齊

桓帥諸侯會王太子以定其位

細覽

謀甯周也 陳轅宣

仲怨鄭申侯之反己於召陵故勸之城其賜邑曰美城之

大名也子孫不忘吾助子請乃爲之請於諸侯而城之美

遂譖諸鄭伯曰美城其賜邑將以叛也申侯由是得罪

秋諸侯盟王使周公召鄭伯曰吾撫女以從楚輔之以晉

可以少安鄭伯喜於王命而懼其不朝於齊也故逃歸不

盟孔叔止之曰國君不可以輕輕則失親失親患必至病而乞盟所喪多矣君必悔之弗聽逃其師而歸楚鬬穀

於菟滅弦弦子奔黃於是江黃道柏

諸本作栢今从善本定作柏

詩地

理志汝南郡陽安應劭曰故道國又西平應劭曰故柏子國也

杜本

按杜本陽安今作安陽蓋傳寫誤汝南郡

別有安陽縣應劭曰故江國也方睦於齊皆弦姻也弦子恃之而不事楚又不設備故亡晉侯復假道於虞以伐虢宮之奇諫曰虢虞之表也虢亡虞必從之晉不可啟寇不可翫

韻廣雅翫習也

杜本

此一之謂甚其可再乎諺所

謂輔車相依

諸本謂誤爲今改正

韻服虔云輔上領車也與牙相依

詩疏按玉篇引說文輔頰也左氏傳曰輔車相依亦作輔

今考說文輔字下引春秋傳曰輔車相依

徐鍇本有此八字徐鉉本

無从車甫聲人頰車也輔字云頰也从面甫聲不引春

秋傳是許君所見左氏本作輔字無疑玉篇引說文作

輔當別有所本要之古輔輔本通故傳寫亦不一服虔

注頷當作頷說文頷頤也是服義與許君同唇亡齒寒

者其虞虢之謂也公曰晉吾宗也豈害我哉對曰大伯虞

仲大王之昭也大伯不從

史記作大
伯亡去

是以不嗣虢仲虢叔

詁賈逵云虢仲封東虢制是也虢叔封西虢虢公是也

馬融曰虢叔同母弟虢仲異母弟虢仲封下陽虢叔封

上陽

本疏

按虢有三晉太康地記扶風郡雍西虢地也平

王東遷虢叔自此之上陽爲南虢矣又下陽亦名北虢

水經注下陽地理志所謂北虢也王季之穆也爲文王
卿士勳在王室藏於盟府將虢是滅何愛於虞且虞能親
於桓莊乎其愛之也服虔服虔其作甚注云愛之甚當爲愛

桓莊之族甚也

本疏

按服所據當係古文必非妄改正義

譏之非是桓莊之族何罪而以爲戮不惟偏乎親以寵
偏猶尙害之況以國乎公曰吾享祀豐絜神必據我詩

毛傳據依也按玉篇等亦同蓋言神所據依較杜訓安

爲近對曰臣聞之鬼神非人實親惟德是依故周書曰

皇天無親惟德是輔又曰黍稷非馨明德惟馨說文香

芳也春秋傳曰黍稷馨香按杜本馨香之違聞亦用說

文又曰民不易物惟德繫物服虔服虔云繫發聲也言黍

稷牲玉不易無德薦之則不見饗有德則言饗詩如是

則非德民不和神不享矣神所馮依將在德矣若晉取虞

而明德以薦馨香神其吐之乎弗聽許晉使宮之奇以其

族行圍鄭元禮記注行去也杜本曰虞不臘矣圍獨斷臘

歲終大祭縱吏民宴飲非迎氣故但送不迎應劭風俗

通云案禮夏曰嘉平殷曰清祀周曰大蜡漢改曰臘御

覽引舊注云臘祭名也日月會于龍尾百物備合因于

是祭羣神也今按合之禮記月令孟冬臘門閭及先祖

五祀是臘祭三代有之故宮之奇亦云然宋儒朱子云

秦時始有臘祭余一言以斷之曰史記秦本紀惠王十

二年初臘始皇三十一年改臘曰嘉平如謂臘始于秦

則秦改臘爲嘉平亦云嘉平始于秦可乎又不待辨而

明矣在此行也晉不更舉矣八月甲午晉侯圍上陽

地理志宏農郡陝故號國

杜木此

酈道元云昔周召分伯

以陝城爲東西之別東城卽號之上陽也問於卜偃曰

吾其濟乎對曰克之公曰何時對曰童謠云丙之晨

漢書律歷

志作丙子之辰

龍尾伏辰均服振振

賈服等皆爲均均同也

周禮疏

服虔又云衾服黑服也

文選注

惠棟云古戎服尙黑

戰國策願令補黑衣之數注云黑衣戎服漢書五行志

引傳作衾

劉逵吳都賦注引亦同

儀禮士冠禮曰兄弟畢衿乎鄭

注衿同也古文衿爲均司馬彪輿服志曰郊祀之服皆

以衾元淮南子曰尸祝衾衽高誘曰衾純服衽墨齊衣

也衿袷猶袷元上下皆元故謂之黑服謂均服爲黑服
失之衿古文皆作均杜氏謂戎事上下同服是也管子
大匡篇四年修兵同甲十萬同甲者均服之謂也今按
周禮司几筵設筵紛純鄭注云純讀爲均服之均李
善閒居賦注引傳作衿廣疋云衿戎衣也左傳衿服振
振呂覽悔過篇今衿服四建高誘注衿同也兵服上下
無別故曰衿服今服虔注尙作衿是漢時左氏本作衿
服也釋文亦云字書衿音同劉逵吳都賦注引傳亦作
衿取號之旂鶉之賁賁天策焞焞火中成軍號公其奔
漢書五行志作衿其九月十月之交乎丙子旦五行志引此上
多十月朔三字
日在尾月在策鶉火中必是時也冬十二月丙子朔晉滅

號號公醜奔京師師還館于虞遂襲虞滅之執虞公及其

大夫井伯註史記晉世家曰及其大夫井伯百里奚正義

曰南雍州記云百里奚字井伯宛人也梁劉峻世說新

語注百里奚字井伯按古今人表百里奚列上之下井

伯列中之下則非一人也以媵秦穆姬註孫炎爾雅注

送女曰媵杜本而修虞祀註服虔云虞所祭祀命祀也

史記集解且歸其職貢於王故書曰晉人執虞公罪虞且言

易也言上一本無且字

六年春晉侯使賈華伐屈註賈逵云晉右行大夫上同按賈

據僖十年傳文爲說夷吾不能守盟而行將奔狄卻芮

曰註聲類卻鄉在河內一切經音義按此則芮食采于卻後因

以爲氏也後出同走罪也不如之梁梁近秦而幸焉乃
之梁 夏諸侯伐鄭以其逃首止之盟故也圍新密鄭所
以不時城也 秋楚子圍許以救鄭諸侯救許乃還 冬

蔡穆侯將許僖公以見楚子於武城韻郡國志南陽郡宛

有東武亭

杜同此

許男面縛

韻

廣雅面偕也漢書賈誼傳

面蠟獺以隱處兮王逸應劭注竝云面偕也項籍傳馬

童面之張宴曰背之也師古亦云面謂背之不面向也

面偕古字同按杜注云但見其面可爲臆說銜璧大夫

衰經士輿櫬

韻

說文櫬棺也春秋傳曰士輿櫬

杜本此

下襄

二年亦同楚子問諸逢伯對曰昔武王克殷微子啟如

是武王親釋其縛受其璧而被之韻說文祓除惡之祭也

此杜本 焚其櫬禮而命之使復其所楚子從之

七年春齊人伐鄭孔叔言於鄭伯曰諺有之曰心則不競

則風俗通作苟 詩毛傳競強也此杜本 何憚於病 詩鄭箋憚

難也此杜本 既不能彊又不能弱所以斃也國危矣請下

齊以救國公曰吾知其所由來矣姑少待我對曰朝不及

夕何以待君 夏鄭殺申侯以說于齊且用陳轅濤塗之

譖也初申侯申出也有寵於楚文王文王將歿與之璧使

行曰惟我知女女專利而不厭予取予求不女疵瑕也呂覽

注疵作疵 說文疵病也鄭元禮記注瑕玉之病也陸德明

釋文瑕疵過也後之人將求多於女女必不免我歿女

必速行無適小國將不女容焉既葬出奔鄭又有寵於厲

公子文聞其歿也曰古人有言曰知臣莫若君弗可改也

已 秋盟于甯母謀鄭故也管仲言於齊侯曰臣聞之招

攜以禮

韋昭國語注攜離也

杜本

懷遠以德德禮不易

無人不懷齊侯修禮於諸侯諸侯官受方物鄭伯使大子

華聽命於會言於齊侯曰泄氏孔氏子人氏三族實違君

命君若去之

諸本作若君今从石經宋本改正

以爲成我以鄭爲內臣君

亦無所不利焉齊侯將許之管仲曰君以禮與信屬諸侯

而以姦終之無乃不可乎子父不奸之謂禮守命其時之

謂信違此二者姦莫大焉公曰諸侯有討於鄭未捷今苟

有勞從之不亦可乎對曰君若緩之以德加之以訓辭而

帥諸侯以討鄭鄭將覆亡之不暇豈敢不懼若總其罪人

以臨之鄭有辭矣何懼且夫合諸侯以崇德也會而列姦
何以示後嗣夫諸侯之會其德刑禮義無國不記記姦之
位君盟替矣

三禮石經作替今从唐石經定作替字

詩毛傳替廢也

杜本此

作而不記非盛德也君其勿許鄭必受盟夫子華既爲大
子而求介於大國**詩**索隱稱志林介者因也

杜本此

以弱其

國亦必不免鄭有叔詹堵叔師叔三良爲政未可間也齊
侯辭焉子華由是得罪於鄭**詩**服虔云鄭伯罪之也

御冬覽

鄭伯使請盟于齊 閏月惠王崩襄王惡太叔帶之難

釋文

叔作州

懼不立不發喪而告難于齊

八年春盟于洮謀王室也鄭伯乞盟請服也襄王定位而
後發喪 晉里克師師梁由靡御虢射爲右以敗狄于采

桑

史記作齧桑

詰服虔云狄地也

史記集解

郡國志河東郡北屈有

采桑津

杜同此

梁由靡曰狄無恥從之必大克里克曰懼

之而已無速眾狄虢射日期年狄必至示之弱矣 夏狄

伐晉報采桑之役也復期月 秋禘而致哀姜焉非禮也

凡夫人不薨于寢不殯于廟**詰**服氏云不薨于寢寢謂小

寢

杜取此

不殯于廟廟謂殯宮鬼神所在謂之廟

禮記不

赴于同不耐于姑則弗致也

冬王人來告喪難故也是

以緩 宋公疾大子茲父

史記作茲甫

固請曰日夷長且仁君

其立之公命于魚子魚辭曰能以國讓仁孰大焉臣不及

也且又不順遂走而退

九年春宋桓公卒未葬而襄公會諸侯故曰子凡在喪王

曰小童公侯曰子 夏會于葵丘尋盟且修好禮也王使

宰孔賜齊侯胙周禮大行人正義引傳文并引注云周

禮脹膳之禮親兄弟之國不以賜異姓尊齊侯客之若

先代之後按此當是服注杜亦本此立說曰天子有事

于文武使孔賜伯舅胙齊侯將下拜孔曰且有後命天子

使孔曰以伯舅耄老馬融易注七十曰耄服虔同

此加勞賜一級鄭元禮記注級等也無下拜對杜本

曰天威不遠顏咫尺方言云顏額為頰也中夏謂之頰

東齊謂之頰河頰淮泗之間謂之頰賈逵國語注八尺

曰咫說文周禮寸尺咫尋皆以人之體為法中婦人手

長八寸謂咫杜取小白余敢貪天子之命無下拜爾

雖余身舍人曰余卑謙之身也

杜本此

按岳氏本以白字

絕句今考釋詁文朕余躬身也邢昺疏引此傳云齊侯

曰小白余是當以余字爲句恐隕越于下以遺天子羞

敢不下拜下拜登受 秋齊侯盟諸侯于葵丘曰凡我同

盟之人既盟之後言歸于好 宰孔先歸遇晉侯曰可無

會也齊侯不務德

水經注引作不務修德

而勤遠略故北伐山戎南

伐楚西爲此會也東略之不知西則否矣其在亂乎

在水經注

作前

詁鄭元儀禮注在存也

杜本此

君務靖亂無勤於行晉

侯乃還

九月晉獻公卒里克平鄭

外傳作丕史記晉世家作邲

國賈

逵云晉大夫

史記集解

欲納文公故以三公子之徒作亂

賈逵云三公子申生重耳夷吾

同上杜取此

初獻公使荀息

傅奚齊公疾召之曰以是藐諸孤語方言眇小也眇藐古

字通按惠氏譏顧氏炎武訓藐爲小爲未當不知實本

方言呂諶字林又云藐小兒笑也辱在大夫其若之何稽首而對曰臣竭其股肱之力加之以忠貞其濟君之靈也不濟則以死繼之公曰何謂忠貞對曰公家之利知無不爲忠也送往事居耦俱無猜貞也韻廣雅耦二也猜疑

也按杜注訓耦爲兩亦此意及里克將殺奚齊先告荀

息曰三怨將作秦晉輔之子將何如荀息曰將死之里克曰無益也荀叔曰吾與先君言矣不可以貳能欲復言而愛身乎雖無益也將焉辟之且人之欲善誰不如我我欲無貳而能謂人已乎冬十月里克殺奚齊于次書曰殺其

君之子未葬也苟息將歿之人曰不如立卓子而輔之苟

息立公子卓以葬十一月里克殺公子卓于朝苟息歿之

君子曰詩所謂白圭之玷尚可磨也史記圭作珪詩毛傳

玷缺也杜本此按說文引詩玷作列斯言之玷不可爲也苟息有焉

齊侯以諸侯之師伐晉及高粱而還服虔云晉地也

史記集解郡國志河東郡楊有高粱亭杜同討晉亂也令不

及魯故不書釋文命本又作命晉郤芮使夷吾重賂秦以求入曰

人實有國我何愛焉入而能民土於何有從之齊隰朋

王符潛夫論隰氏姜姓帥師會秦師納晉惠公秦伯謂

郤芮曰公子誰恃對曰臣聞亡人無黨有黨必有讐夷吾

弱不好弄爾雅弄玩也能鬪不過長亦不改不識其他

公謂公孫枝曰

史記作支

詰

服虔云秦大夫公孫子桑

史記集解

夷

吾其定乎對曰臣聞之惟則定國

爾雅則法也此杜本

按

呂覽稽勳篇赤章曼支曰詩曰惟則定國則此四字乃

逸詩也詩曰不識不知順帝之則文王之謂也又曰不

僭不賊鮮不爲則詰廣雅僭差也高誘呂覽注賊害也

杜本

此無好無惡不忌不克之謂也今其言多忌克難哉公

曰忌則多怨又焉能克是吾利也 宋襄公卽位以公子

目夷爲仁使爲左師以聽政於是宋治故魚氏世爲左師

十年春秋滅溫蘇子無信也蘇子叛王卽狄又不能於狄

狄人伐之王不救故滅蘇子奔衛 夏四月周公忌父

賈逵云周卿士

史記集解杜取此

王子黨會齊隰朋立晉侯晉

侯殺里克以說將殺里克公使謂之曰微子則不及此雖

然子弑二君與一大夫

文選注引傳作二公

節服虔云奚齊卓子荀

息也

同上

爲子君者不亦難乎

節

按公羊傳作不亦病乎

廣雅病難也對曰不有廢也君何以興欲加之罪其無

辭乎臣聞命矣伏劍而死於是平鄭聘于秦且謝緩賂故

不及

晉侯改葬其大子

外傳大作世禮弓史記漢書共並作恭

秋狐突適

下國**節**服虔云晉所滅國以爲下邑一曰曲沃有宗廟故

謂之國在絳下故曰下國也

同上

按說苑立節篇獻公卒

突卽辭歸自殺蓋屬虛語遇大子大子使登僕**節**論衡

死僞篇引作大子超登僕車而告之曰而告之曰夷吾

無禮**節**賈逵云蒸於獻公夫人賈君故曰無禮馬融云申

生不自明而歿夷吾改葬之章父之過故曰無禮疏本余

得請於帝矣

詔

服虔云帝天帝謂罰有罪

史記集解

將以晉界

秦秦將祀余對曰臣聞之神不歆非類**詔**賈逵國語注歆

貪也按說文歆神食氣也義亦與賈同杜注歆饗也本

詩毛傳民不祀非族君祀毋乃殄乎**詔**詩毛傳殄絕也

杜本

且民何罪失刑乏祀君其圖之君曰諾吾將復請

七日

史記作後十日

新城西偏將有巫者而見我焉許之遂不見

及期而往告之曰帝許我罰有罪矣傲於韓

史記作樂論衡傲下多一

之

詔賈逵云傲敗也韓晉韓原

史記集解

平鄭之如秦也言

於秦伯曰呂甥

史記作呂省

詔

按呂甥先又嘗食邑于虢竹書

紀年晉獻公十有九年伐虢滅下陽命瑕父呂甥邑于

號水經注云地理志所謂北號也郤稱冀芮實爲不從若重問以召之臣出晉君君納重耳茂不濟矣詩毛傳

茂無也

杜本此

冬秦伯使泠至報問且召三子御芮曰幣

重而言甘誘我也遂殺平鄭祁舉及七輿大夫詩服虔云

下軍之輿帥七人屬申生者襄二十三年下軍輿帥七

人往前申生將下軍今七輿大夫爲申生報怨欒盈將

下軍故七輿大夫與欒氏

本疏

按劉炫亦爲服言是不取

杜說左行其華右行賈華叔堅騶歛纍虎特宮山祁詩

按此上七人卽七輿大夫之名皆里平之黨也平豹奔

秦

李斯書平作郤

言於秦伯曰晉侯背大主而忌小怨民弗與也

伐之必出公曰失眾焉能殺違禍誰能出君

十一年春晉侯使以平鄭之亂來告 天王使召武公內

史過賜晉侯命受玉情說文情不敬也从心隋省春秋

傳曰受玉情或省自過歸告王曰晉侯其無後乎王賜之命而情於受瑞先自棄也已其何繼之有禮國之幹也敬禮之輿也不敬則禮不行禮不行則上下昏何以長世

夏揚拒泉音郡國志河南郡雒陽有前亭按泉前古

字通杜同伊洛之戎同伐京師入王城焚東門王子帶

召之也秦晉伐戎以救周秋晉侯平戎于王 黃人不歸

楚貢冬楚人伐黃

十二年春諸侯城衛楚丘之鄂懼狄難也韋昭國語注

鄂郭也杜本黃人恃諸侯之睦于齊也不共楚職曰自

郢及我九百里焉能害我夏楚滅黃史記楚世家作滅

英徐廣曰年表及他本皆作英一本作黃正義曰英國

在淮南蓋蓼國也不知改名時今按滅蓼在魯文公三

年時爲楚穆王四年非此一時事王以戎難故討王子

帶秋王子帶奔齊冬齊侯使管夷吾平戎于王使隰朋

平戎于晉韋昭國語注平和也服虔云戎伐周晉伐戎

救周故和也史記集解杜本此王以上卿之禮饗管仲管仲辭

曰臣賤有司也有天子之二守國高在若節春秋賈逵

云節時也同上杜取此王肅云春秋聘享之節也同上來承王

命何以禮焉陪臣敢辭服虔云陪重也諸侯之臣于天

子故曰陪臣同上王曰舅氏賈逵云舅氏言伯舅之使

也同上杜取此余嘉乃勳應乃懿德詩惠棟曰應讀爲膺言

膺受女美德也古文皆以應爲膺謂督不忘詩爾雅督

正也往踐乃職無逆朕命管仲受下卿之禮而還君子

曰管氏之世祀也宜哉讓不忘其上詩云愷悌君子詩爾

雅愷樂也悌易也杜本此神所勞矣

十三年春齊侯使仲孫湫聘于周且言王子帶事畢不與

王言歸復命曰未可王怒未息其十年乎不十年王弗召

也夏會于鹹淮夷病杞故且謀王室也秋爲戎難故

諸侯戍周詩毛傳戍守也杜本此齊仲孫湫致之冬晉薦

饑詩按文選注引傳作晉游饑字書曰游仍也爾雅穀不

熟爲饑仍饑爲薦李巡曰連歲不熟曰薦杜注麥禾皆

不熟蓋亦本此使乞糴于秦秦伯謂子桑與諸乎曰重

施而報君將何求重施而不報其民必攜攜而討焉無眾

必敗謂百里與諸乎國服虔云百里奚秦大夫史記集解對曰

天災流行史記作國家代有救災恤鄰道也行道有福不

鄭之子豹在秦請伐晉秦伯曰其君是惡其民何罪秦於

是乎輸粟于晉自雍及絳國服虔云雍秦國都絳晉國都

同上杜相繼命之曰汎舟之役國按雍近渭絳近河以

取此 舟輸粟故云汎舟之役也

十四年春諸侯城緣陵而遷杞焉不書其人有闕也 鄆

季姬來甯公怒止之以鄆子之不朝也夏遇于防而使來

朝 秋八月辛卯沙鹿崩晉卜偃曰期年將有大咎幾亡

國 冬秦饑使乞糴于晉晉人弗與慶鄭曰背施無親幸
災不仁貪愛不祥怒鄰不義四德皆失何以守國虢射曰
皮之不存毛將安傅慶鄭曰棄信背鄰患孰恤之無信患
作失援必斃是則然矣虢射曰無損於怨而厚於寇不如
弗與慶鄭曰背施幸災民所棄也近猶讐之況怨敵乎弗
聽退曰君其悔是哉

十五年春楚人伐徐徐卽諸夏故也三月盟于牡丘尋葵
丘之盟且救徐也孟穆伯帥師及諸侯之師救徐諸侯次
于匡

諸本竝作匡蓋相沿避
宋諱今皆改正下同

以待之 夏五月日有食之

不書朔與日官失之也 秋伐厲以救徐也 晉侯之入

也秦穆姬屬賈君焉

詁

按杜注賈君晉獻公次妃旣無明

文惟左傳云獻公娶于賈則賈乃正妃獻公卽位二十六年而卒若係正妃則惠公卽位年齒已高無由更爲所烝唐固說賈君爲申生之妃情事較合故申生有夷吾無禮之言惠棟左傳補注所見亦同且云盡納羣公子晉侯烝於賈君又不納羣公子是以穆姬怨之晉侯許賂中大夫旣而皆背之賂秦伯以河外列城五東盡虢畧南及華山內及解梁城郡國志宏農郡陸渾西有虢畧地華陰有太華山河東郡解有解城此同旣而不與晉饑秦輸之粟秦饑晉閉之糴故秦伯伐晉卜徒父筮之吉涉河侯車敗爾雅敗覆也詰之對曰乃大吉也三敗必獲晉君其卦遇蠱三三曰千乘三去惠棟云上林賦曰

江河爲陸注云遮禽獸爲陸陸卽去實一字三去之餘
獲其雄狐夫狐蠱必其君也蠱之貞風也其悔山也歲云
秋矣我落其實而取其材所以克也實落材亡不敗何待
三敗及韓晉侯謂慶鄭曰寇深矣若之何對曰君實深之
可若何公曰不孫韻服虔云孫順也史記集解卜右慶鄭吉弗
使步揚御戎家僕徒爲右史記揚作陽韻服虔云二子晉大夫

也

同上

乘小駟鄭入也慶鄭曰古者大事必乘其產生其

水土而知其人心安其教訓而服習其道惟所納之無不
如志今乘異產以從戎事及懼而變將與人易亂氣狡憤

韻賈逵國語注憤盛也

一切經音義

按賈注此傳亦當作盛

滿解鄭元樂記注賁讀爲憤怒氣充實也春秋傳血氣

狡憤王粲登樓賦氣交憤于胸臆李善注引杜云交戾
也是交狡賁憤古字竝通陰血周作張脈憤興韻說文
虺血理之分衰行體中者从瓜从血虺或从肉籀文作
𧈧按此則今本作脈不誤釋文石經竝同張有復古編
以爲俗作脈非過矣憤當作賁或作瀆禮記射義賁軍
之將鄭元注賁讀爲憤穀梁倍十年傳地賁范甯注賁
沸起也又管子勢以待天下之瀆作也尹知章云動亂
也陸氏附注以爲憤無動義譏杜失之是矣外彊中乾
進退不可周旋不能君必悔之弗聽九月晉侯逆秦師使
韓簡視師復曰師少於我鬪士倍我公曰何故對曰出因
其資入用其寵饑食其粟三施而無報是以來也今又擊

之我怠秦奮倍猶未也公曰一夫不可狃詁爾雅狃復也

孫炎注狃快前事復爲也按杜注狃快也卽本此況國

乎遂使請戰曰寡人不佞能合其眾而不能離也君若不

還無所逃命秦伯使公孫枝對曰君之未入寡人懼之入

而未定列猶吾憂也苟列定矣敢不承命韓簡退曰吾幸

而得囚壬戌戰于韓原晉戎馬還澗而止詁鄭元禮記注

還言便也廣雅澗泥也此杜本公號慶鄭慶鄭曰復諫違

卜詁高誘呂覽注復戾也此杜本固敗是求又何逃焉遂去

之梁由靡御韓簡史記由號射爲右詁服虔云號射惠公

舅史記輅秦伯詁服虔云輅迎也同上杜將止之詁韋

昭國語注止獲也杜本鄭以救公誤之遂失秦伯秦獲

晉侯以歸晉大夫反首拔舍從之

詩疏拔作菱

詩周禮夏官司

馬中夏敎菱舍鄭注云菱讀如萊沛之沛菱舍草止也軍有草止之法說文廢舍也从广反聲詩曰召伯所廢

按此則字當作廢跋拔菱古字通秦伯使辭焉曰二三

子何其感也寡人之從君而西也亦晉之妖夢是踐豈敢

以至晉大夫三拜稽首曰君履后土而戴皇天

周禮禮記疏並引作

戴皇天而履后土

皇天后土實聞君之言羣臣敢在下風穆姬

聞晉侯將至以天子幣弘與女簡璧登臺而履薪焉使以

免服衰經逆且告**韻**按此下傳文或有上天降災使我兩

君匪以玉帛相見而以興戎若晉君朝以入則婢子夕

以歿夕以入則朝以歿惟君裁之釋文曰自上天降災至

此凡四十七字檢古文皆無尋杜注亦不得有有是後人妄加也今按釋文四十七字七當作二蓋誤并乃舍諸靈臺五字數之耳此後人校勘之疎孔疏亦云服虔解誼其文甚煩傳本若有此文服虔必應多解何由四十餘字不解一言亦至二十三年始解婢子明是本無之也據此則服杜本尙皆不誤服杜以後人妄增今據削去乃舍諸靈臺節詩含神霧云作邑于豐起靈臺易乾鑿度云伐崇作靈臺孔穎達疏云是靈臺在豐邑之都內也水經注豐水又北逕靈臺西括地志雍州長安縣有靈臺高二丈周回百二十步今按杜注云所以杜絕令不得通外內或卽以此大夫請以入公曰獲晉侯

以厚歸也既而喪歸焉用之大夫其何有焉且晉人感憂以重我天地以要我不圖晉憂重其怒也我食吾言背天地也重怒難任韋昭國語注任當也此杜本背天不祥必

歸晉君公子縶曰韋昭國語注據禮記云縶字子顯盧

植曰古者名字相配顯當爲韶不如殺之無聚慝焉子

桑曰歸之而質其大子必得大成晉未可滅而殺其君祇

以成惡祇刊本多誤作祇說文緹从糸是聲緹或从氏詩毛傳

祇適也玉篇祇之移切適也又音岐漢書竇嬰傳祇皆

懟是明揚主上之過師古曰祇音支其字从祇今从石

經定作祇字且史佚有言曰無始禍無怙亂無重怒重

怒難任陵人不祥乃許晉平晉侯使卻乞告瑕呂飴甥

按竹書紀年作瑕父呂甥今考呂甥先食采于瑕故稱
曰瑕父郡國志河東郡解有瑕城是也後又食采于呂
故又稱瑕呂劉昭補注引張華博物志河東郡永安有
呂鄉呂甥邑也是瑕呂皆所食采地杜注云姓瑕呂名
節甥非矣下傳云陰飴甥陰亦采邑名且召之子金教

之言曰朝國人而以君命賞且告之曰孤雖歸辱社稷矣

其卜貳圉也

鄭元禮記注貳作二

貳鄭司農周禮注貳副也按杜訓

貳爲代非眾皆哭晉於是乎作爰田**貳**服虔孔晁皆云

爰易也賞眾以田易其疆畔

本疏

按外傳作轅田賈逵注

轅車也以田出車賦說文云爰引也籀文以爲車轅字

又按起田易居也徐鍇繫傳云爰轅皆假借此乃正字

謂以田相換易也孟康地理志注轅爰同今考爰田當以賈義爲長杜注取服虔說呂甥曰君亡之不恤而羣臣是憂惠之至也將若君何眾曰何爲而可對曰征繕以輔孺子詰韋昭國語注征賦也廣雅繕治也杜本此諸侯聞

之喪君有君羣臣輯睦甲兵益多好我者勸惡我者懼庶有益乎眾說晉於是乎作州兵詰按作州兵蓋亦改易兵制或使二千五百家畧增兵額故上云甲兵益多非僅

修繕兵甲而已杜注似非初晉獻公筮嫁伯姬於秦遇歸妹三三之睽三三史蘇占之曰不吉其繇曰士刳羊亦無益也詰說文益血也春秋傳曰士刳羊亦無益也廣雅

同杜本此

女承筐亦無貺也

釋文貺本亦作況

詰詩毛傳貺賜也

杜本 服虔以離爲戈兵兌爲羊震變爲離是用兵刺羊

此之象也三至五有坎象坎爲血血在羊上故刺無血也

震爲竹竹爲筐震變爲離離爲火火動而上其施不下

故筐無實也同上西鄰責言不可償也詁服虔以爲三至

五爲坎坎爲月月生西方故爲西鄰坎爲水兌爲澤澤

聚水故坎責之澤澤償水則竭故責言不可償同上歸妹

之睽猶無相也詁服虔云兌爲金離爲火金火相遇而相

害故無助也同上應劭漢書注相助也杜本震之離亦離

之震爲雷爲火爲羸敗姬詁服虔云離爲日爲火秦羸姓

水位一至五有坎象水勝火故爲羸敗姬同上車說其輶

詁說文輶車軸縛也馬融易注輶車下縛也杜本火焚

其旗不利行師敗于宗上 **詒**服虔云五至三有坎爲水象

震爲車車得水而脫其輓也震爲龍龍爲諸侯旗離之

震故火焚其旗也震東方木兌西方金木遇金必敗韓

有先君之宗廟故曰宗上 同說文四邑爲上 杜本鄭元

禮記注上與區同歸妹睽孤寇張之弧 **詒**服虔云坎爲

寇爲弓故曰寇張之弧 上 同姪其從姑 **詒**爾雅父之姊妹

爲姑女子謂昆弟之子爲姪 杜本六年其逋 **詒**廣雅逋

亡也 杜本逃歸其國而棄其家明年其死于高梁之虛

詒郡國志河東郡楊有高梁亭 杜同及惠公在秦曰先

君若從史蘇之占吾不及此夫韓簡侍曰龜象也筮數也

物生而後有象象而後有滋滋而後有數先君之敗德及

可數乎

釋文以先君之敗德及絕句

韻

按及可數乎猶數可及乎蓋倒

字法也今仍以及字屬下讀史蘇是占勿從何益詩曰

下民之孽匪降自天傳沓背憎職競由人韻詩作嘽按說

文嘽聚語也傳聚也並引詩小雅傳嘽古字同震夷伯

之廟罪之也於是展氏有隱慝焉冬宋人伐曹討舊怨

也楚敗徐于婁林徐恃救也十月晉陰飴甥會秦伯

盟于王城韻

郡國志左馮翊臨晉有王城

杜本此

秦伯曰晉

國和乎對曰不和小人恥失其君而悼喪其親不憚征繕

以立圍也曰必報讐甯事戎狄君子愛其君而知其罪不

憚征繕以待秦命曰必報德有死無二以此不和秦伯曰

國謂君何對曰小人感謂之不免君子恕以爲必歸小人

曰我毒秦秦豈歸君君子曰我知罪矣秦必歸君貳而執之服而舍之德莫厚焉荆莫威焉服者懷德貳者畏刑此一役也韻服虔云一役者謂韓戰之役同上秦可以霸納而

不定廢而不立以德爲怨秦不其然秦伯曰是吾心也改

館晉侯饋七牢焉史記作餽韻賈逵云諸侯雍餼七牢牛一羊

一豕一爲一牢也史記集解杜取此蛾析外傳作蛾哲謂慶鄭曰韻

釋文曰蛾本或作蟻惠棟云婁壽曰蛾與蟻通漢書白

蛾羣飛扶服蛾伏陳球後碑聚蛾蜂動仲秋下旬碑蛾

附皆與蟻同今按禮記蛾子時銜之後漢書皇甫嵩傳

時人謂之黃巾亦名爲蛾賊注蛾音魚綺反卽蟻字也

今釋文有五何反廣韻于歌部列晉大夫蛾析似誤盍

行乎對曰陷君於敗敗而不死又使失刑非人臣也臣而不臣行將焉入十一月晉侯歸丁丑殺慶鄭而後入是歲晉又饑秦伯又餽之粟曰吾怨其君而矜其民且吾聞唐叔之封也箕子曰詒馬融王肅皆以箕子爲紂諸父史記集解

鄭元王肅皆以爲諸父服杜以爲紂之庶兄本按此則

杜取服說其後必大晉其庸可冀乎姑樹德焉以待能者於是秦始皇征晉河東置官司焉

十六年春隕石于宋五隕星也詒按御覽引水經注云睢

陽有隕石水一名漆溝左傳曰隕石于宋五隕星也故

老云此水有時涸竭五石存焉故名隕石水墜處爲津

六鷗退飛過宋都風也詒賈逵云風起于遠至宋都高而

疾故鴟逢風卻退史記周內史叔興聘于宋宋襄公問

焉曰是何祥也吉凶焉在漢書五行志作何在對曰今茲魯多大喪

明年齊有亂君將得諸侯而不終韻賈逵云石山岳之物

齊大岳之允而五石隕宋象齊桓卒而五公子作亂宋

將得諸侯而治五公子之亂鴟退不成之象後六年霸

業退也鴟水鳥陽中之陰象君臣之訟聞也穀梁疏退而

告人曰君失問是陰陽之事非吉凶所生也漢書所守字上之字韻

服虔云鴟退風咎君行所致非吉凶所從生襄公不問

已有所失而致此變但問吉凶焉在以爲石隕鴟退吉

凶所從而生故云君失問本疏吉凶由人漢書由作孫韻按由

字當是古粵字說文粵木生條也又別有邕云邕徑也

假借作出古字多通吾不敢逆君故也 夏齊伐厲不

克救徐而還 秋狄侵晉取狐厨受鐸涉汾及昆都韻按

狐卽狐突食邑厨卽厨武子食邑鐸卽鐸遏寇食邑水

經汾水出太原汾陽縣北至汾陰縣入河杜本因晉敗

也 王以戎難告于齊齊徵諸侯戍周諸本戍上行而冬

十一月乙卯鄭殺子華 十二月會于淮謀郟且東略也

城郟役人病有夜登丘而呼曰齊有亂不果城而還

十七年春齊人爲徐伐英氏以報婁林之役也 夏晉大

子圍爲質于秦秦歸河東而妻之惠公之在梁也梁伯妻

之梁嬴孕過期韻說文孕懷子也杜本卜招父與其子卜

之其子曰將生一男一女招曰然男爲人臣女爲人妾故

名男曰圉女曰妾**詁**服虔云圉人掌養馬官之賤者不聘

曰妾史記集解說文春秋云女爲妾妾不聘也杜取及子圉

西質妾爲宦女焉 師滅項淮之會公有諸侯之事未歸

而取項齊人以爲討而止公 秋聲姜以公故會齊侯于

卞九月公至書曰至自會猶有諸侯之事焉且諱之也

齊侯之夫人三王姬徐嬴史記作徐姬蔡姬皆無子齊侯好內

詁服虔云內婦官也史記集解多內寵按漢書顏師古注文

無內字今考此內字蓋因後內寵之文而衍且服杜皆

舍此句而注下句其意自明但石經宋本皆有此字姑

仍內嬖如夫人者六人長衛姬生武孟少衛姬生惠公

鄭姬生孝公葛嬴生昭公密姬生懿公宋華子生公子雍

詁賈逵云宋華氏之女子同上杜取此公與管仲屬孝公於

宋襄公以爲大子雍巫有寵於衛其姬謂賈遠云雍巫雍

人名巫易牙字

同上杜取此

按管子有棠巫與此或係一人

因寺人貂以薦羞於公亦有寵公許之立武孟管仲卒五

公子皆求立冬十月乙亥齊桓公卒易牙入

賈誼新書作狄牙大戴禮

記淮南王書竝同稽康琴賦云狄牙喪味

與寺人貂因內寵以殺羣吏謂服

虔云內寵如夫人者六人羣吏諸大夫也

同上而立公子

無虧

史記漢書人表作無詭

孝公奔宋十二月乙亥赴辛巳夜殯

十八年春宋襄公以諸侯伐齊三月齊人殺無虧 鄭伯

始朝于楚楚子賜之金旣而悔之與之盟曰無以鑄兵故

以鑄三鐘 齊人將立孝公不勝四公子之徒遂與宋人

戰夏五月宋敗齊師于廩立孝公而還

秋八月葬齊桓

公冬邢人狄人伐衛圍菟圃衛侯以國讓父兄子弟及朝眾曰苟能治之燬請從焉韻賈誼新書衛侯朝于周周行人問其名荅曰衛侯辟疆周行人還之曰啟疆辟疆天子之號諸侯弗得用衛侯更其名曰燬然後受之眾不可而後師于訾婁別本後作從誤狄師還梁伯益其國而不能實也命曰新里秦取之

十九年春遂城而居之宋人執滕宣公夏宋公使邾

文公用鄆子于次睢之社韻水經睢水出梁郡鄆縣東流

當蕭縣南入于陂張華博物志琅邪臨沂縣東界次睢

有大叢社民謂之食人社卽此郡國志琅邪沂有叢亭

欲以屬東夷司馬子魚曰古者六畜不相爲用小事不用

大牲而況敢用人乎祭祀以爲人也

風俗通引此無祀字
下句引傳作民人神

之主也

民神之主也用人其誰饗之齊桓公存三亡國以

屬諸侯義士猶曰薄德今一會而虐二國之君又用諸淫
昏之鬼將以求霸不亦難乎得歿爲幸 秋衛人伐邢以

報菟圃之役於是衛大旱卜有事于山川不吉甯莊子曰
昔周饑克殷而年豐今邢方無道諸侯無伯爾雅伯長

也

杜本此

天其或者欲使衛討邢乎從之師興而雨 宋

人圍曹討不服也子魚言於宋公曰文王聞崇德亂而伐

之軍三旬而不降退修教而復伐之

釋文云伐衍字按石
經宋本並有今仍之

因壘而降詩曰刑于寡妻爾雅詩毛傳刑法也

杜本此

至于兄

弟以御于家邦今君德毋乃猶有所闕而以伐人若之何

盍姑內省德乎無闕而後動 陳穆公請修好於諸侯以
無忘齊桓之德冬盟于齊修齊桓之好也 梁亡不書其
主自取之也初梁伯好土功亟城而弗處民罷而弗堪則
曰某寇將至乃溝公宮韻賈逵云溝塹也史記集解曰秦
將襲我民懼而潰秦遂取梁

二十年春新作南門書不時也凡啟塞從時韻服虔云闔

扇所以開鍵閉所以塞月令仲春修闔扇孟冬修鍵閉

從此時也本疏滑人叛鄭而服於衛韻賈逵云滑姬姓之

國史記集解夏鄭公子士泄堵寇帥師入滑 秋齊狄盟于

邢爲邢謀衛難也於是衛方病邢 隨以漢東諸侯叛楚

冬楚鬬穀於菟帥師伐隨取成而還君子曰隨之見伐不

量力也量力而動其過鮮矣善敗由己而由人乎哉詩曰
豈不夙夜謂行多露 宋襄公欲合諸侯臧文仲聞之曰
以欲從人則可以人從欲鮮濟

二十一年春宋人爲鹿上之盟以求諸侯于楚楚人許之
公子目夷曰小國爭盟禍也宋其亡乎幸而後敗 夏大
旱公欲焚巫尪臧文仲曰非旱備也修城郭節服虔云國

家凶荒則無道之國乘而加兵故修城郭爲守備也本疏

貶食省用務穡論衡引勸分節鄭元儀禮注收歛曰穡按

杜注穡儉也疑字近而誤此其務也巫尪何爲天欲殺
之則如勿生若能爲旱焚之滋甚公從之是歲也饑而不
害 秋諸侯會宋公子孟子魚曰禍其在此乎君欲已甚

其何以堪之於是楚執宋公以伐宋冬會于薄以釋之子
魚曰禍猶未也未足以懲君 任宿須句顓臾國志

東平國無鹽本宿國任姓

杜同

京相璠曰須臾一國二

名蓋遷都須臾胸是其本杜注在東平須臾縣西北道
元云杜注非也地理志曰壽張西北有胸城者是也郡

國志泰山郡南武陽有顓臾城

杜同

風姓也

釋文本或作皆風姓

實司大皞與有濟之祀

詩毛傳司主也

杜本

按皞與昊

通禮記月令其帝大皞釋文皞亦作昊昭十七年郊子
來朝篇少皞大皞漢書律歷五行等志引作少昊大昊
孔子世家家語竝同說文作皞又漢書鄭崇傳欲報之
德皞天罔極師古曰皞字與昊同今从石經及善本定

作隸字又按水經濟水與河合流至乘氏縣又分爲二
其一又東北過壽張縣西界又北過須昌縣西是此上

四國皆近濟水必當有濟水之祠故世守其祀也

杜注
畧同

以服事諸夏邾人滅須句須句子來奔因成風也詁賈氏

曰但因成風來不見公故來奔及反不書于經釋例成風

爲之言於公曰崇明祀保小寡周禮也詁詩毛傳保安也

杜本

蠻夷猾夏周禍也若封須句是崇隸濟而修祀紆

禍也

二十二年春伐邾取須句反其君焉禮也 三月鄭伯如

楚 夏宋公伐鄭子魚曰所謂禍在此矣 初平王之東

遷也辛有適伊川見被髮而祭於野者曰不及百年此其

戎乎其禮先亡矣秋秦晉遷陸渾之戎于伊川 晉大子
圉爲質於秦將逃歸謂嬴氏曰與子歸乎對曰子晉大子
而辱於秦子之欲歸不亦宜乎寡君之使婢子謂服虔云

曲禮曰世婦以下自稱婢子婢子婦人之卑稱史記集解杜取

此侍執巾櫛以固子也從子而歸奔君命也不敢從亦

不敢言遂逃歸 富辰言於王曰謂服虔云富辰周大夫

同上杜取此請召大叔詩曰協比其鄰昏姻孔云謂詩毛傳

鄰近也孔甚也云旋也杜本此吾兄弟之不協焉能怨諸

侯之不睦王說王子帶自齊復歸于京師王召之也 邾

人以須句故出師公阜邾不設備而禦之釋文本臧文仲亦作御

曰國無小不可易也無備雖眾不可恃也詩曰戰戰兢兢

如臨深淵如履薄冰又曰敬之敬之天惟顯思命不易哉

詒詩鄭箋顯明也毛傳思辭也杜本先王之明德猶無

不難也無不懼也況我小國乎君其無謂邾小蠶蠶有毒

詒說文蠶飛蟲螫人者也蠶毒蟲也通俗文云蠶長尾

謂之蠹蠹毒傷人曰蛆接近人疑通俗文出李虔不知

李虔所作係續通俗文唐藝文志分晰甚清辯已見更

生齋集中故此書凡服虔通俗文悉皆錄入以補服注

之缺又按蠶當从說文作蠶惠棟云李翊夫人碑亦作

蠶蠶而況國乎弗聽八月丁未公及邾師戰于升陘我

師敗績邾人獲公胄縣諸魚門詒說文胄兜鍪首鎧也杜本

此郡國志梁國睢陽有魚門劉昭注引此傳楚人伐宋

以救鄭宋公將戰大司馬固諫曰詩晉語晉公子重耳過

宋與司馬公孫固相善韋昭注固宋莊公之孫大司馬

固也

杜本此

天之棄商久矣君將興之弗可赦也已弗聽

冬十一月己巳朔宋公及楚人戰于泓宋人既成列楚

人未既濟司馬曰彼眾我寡及其未既濟也請擊之公曰

不可既濟而未成列又以告公曰未可既陳而後擊之宋

師敗績公傷股門官殲焉詩毛傳殲盡也

杜本此

國人皆

咎公公曰君子不重傷詩說文傷創也鄭元禮記注創之

淺者曰傷不禽二毛古之爲軍也不以阻隘也寡人雖

亡國之餘不鼓不成列子魚曰君未知戰勅敵之人詩說

文勅疆也春秋傳曰勅敵之人廣雅勅勅武也隘而不

列

文選注引作隘而不成列

天贊我也阻而鼓之不亦可乎猶有懼焉

且今之勅者皆吾敵也雖及胡考周書謚法解彌年壽

考曰胡胡大也爾雅考壽也獲則取之何有於二毛明

恥教戰求殺敵也傷未及死如何勿重若愛重傷則如弗傷愛其二毛則如服焉三軍以利用也金鼓以聲氣也利而用之阻隘可也聲盛致志鼓儻可也說文儻儻互不

齊也蓋謂及其成列不齊鼓之丙子晨鄭文夫人辛氏

姜氏勞楚子于柯澤楚子使師縉示之俘馘爾雅俘取

也李巡曰囚敵曰俘詩毛傳殺而獻其耳曰馘說文作

俘馘云軍戰斷耳也从耳或聲或从首字林云截耳則

从耳旁獻首則作首旁杜注云馘所截耳明當以耳旁

爲是君子曰非禮也婦人送迎不出門見兄弟不踰闕

韻爾雅秩謂之闕孫炎曰秩門限也戎事不邇女器**韻**

詩毛傳邇近也高誘淮南王書注器物用也此杜本丁丑

楚子入饗

石經及宋本並作享

于鄭九獻庭實旅百加邊豆六品饗

畢夜出文芊送于軍取鄭二姬以歸叔詹曰

史記作瞻呂覽作被瞻

楚王其不沒乎爲禮卒於無別無別不可謂禮將何以沒

諸侯是以知其不遂霸也

二十三年春齊侯伐宋圍緡以討其不與盟于齊也

穀梁緡作

閱下

韻服虔云魯僖公十九年諸侯盟于齊以無忘桓

公之德宋襄欲行霸道不與盟故伐之

史記集解杜取此

夏五

月宋襄公卒傷於泓故也

秋楚成得臣帥師伐陳討其

貳於宋也遂取焦夷城頓而還

水經注焦引作醴

酌地理志沛郡

譙郡國志汝南郡城父故屬沛春秋時曰夷南頓本頓

國

杜本此

子文以爲之功使爲令尹叔伯曰子若國何對

曰吾以靖國也夫有大功而無貴仕其人能靖者與有幾
九月晉惠公卒懷公命無從亡人期期而不至無赦狐
突之子毛及偃從重耳在秦弗召冬懷公執狐突曰子來
則免對曰子之能仕父教之忠古之制也策名委質酌服

虔注云古者必先書其名于策委歿之質于君然後爲

臣示必歿節也

史記索隱

按此則服訓質爲責責質古字通

晉語臣委質于翟之鼓韋昭注質贄也士贄以雉是韋
訓質爲贄正義申杜質形體也是杜訓質爲形質之質

合數家之訓則服義得之矣貳乃辟也爾雅辟舉也今臣之子名在重耳有年數矣若又召之教之貳也父教子貳何以事君刑之不濫君之明也臣之願也淫刑以逞誰則無罪臣聞命矣乃殺之卜偃稱疾不出曰周書有之乃大明服已則不明而殺人以逞釋文本亦作呈之不亦難乎民不見德而惟戮是聞其何後之有十一月杞成公卒爾

譙周古史考云惠公生成公及桓公書曰子杞夷也不

書名未同盟也凡諸侯同盟歿則赴以名禮也赴以名則亦書之不然則否辟不敏也爾雅釋樂商謂之敏釋文

敏審也高誘呂覽注審實也按辟不敏蓋辟不實耳同

此晉公子重耳之及於難也晉人伐諸蒲城蒲城人欲

戰重耳不可曰保君父之命而享其生祿於是乎得人有
人而校罪莫大焉韻李奇漢書注保恃也包咸論語注校

報也

杜本此

吾其奔也遂奔狄從者狐偃趙衰顛顛魏武

子司空季子韻服虔云胥臣曰季也

史記集解杜取此

狄人伐唐

咎如韻賈逵云赤狄之別種隗姓

同上杜取此

按玉篇唐同牆

戰國策趙皆以荻蒿苦楚唐之漢書鄒陽傳牽帷唐之

制李善文選注引韓非子曰董闕子爲上地守行石邑

山中深澗稍加唐深百仞蔡邕石經論語凡宮牆字从

土从嗇今从唐石經作唐字獲其二女叔隗季隗納諸

公子公子取季隗生伯儵

釋文儵作儵

叔劉以叔隗妻趙衰生

盾將適齊謂季隗曰待我二十五年不來而後嫁對曰我

二十五年矣。又如是而嫁，則就木焉。請待子處狄十二年。

而行過衛，衛文公不禮焉。出於五鹿。賈逵云：衛地上同京。

相璠曰：今衛縣西北三十里有五鹿城，今屬頓丘縣。水經

注杜。穆天子傳：白鹿一悟，桀逸出走。天子乘渠黃之乘。

同此。馬五子，丘之，是曰五鹿。按此則五鹿之名蓋起于此。

乞食於野人，野人與之塊。外傳作野人舉塊而與之。史記晉世家作野人盛土器中進之。

漢書律歷志：作乞食于野人，舉由而與之。按說文由，璞也。从土，从一，屈象形。或从鬼，是塊。當依漢書作由。

為正。但釋文石經等竝作塊。今姑仍之。公子怒，欲鞭之子犯。史記作趙衰曰：曰天

賜也。稽首受而載之，及齊，齊桓公妻之，有馬二十乘。詎服

虔云：八十四。杜取此。公子安之從者，以為不可將行。

謀於桑下，蠶妾在其上，以告姜氏。姜氏殺之。詎服虔云：懼

孝公怒故殺之以滅口

同上杜取此

而謂公子曰子有四方

之志其聞之者吾殺之矣公子曰無之姜曰行也

此姜

下有氏字下亦同

懷與安實敗名公子不可姜與子犯謀醉而

遣之

石經醉上有飲之酒三字後人所增

醒以戈逐子犯及曹曹共公詒高

誘呂覽注其公名襄昭公之子聞其駢脅

駢應作駢說文駢并脅也

晉文公駢脅論衡作比脇按晉語作駢與說文合金樓子作駢脇

詒廣雅脅幹謂之肋

通俗文掖下謂之脅欲觀其裸

釋文本一讀至裸字絕句

詒說文廣

雅羸袒也羸裸字同浴薄而觀之詒外傳謀其將浴設

微薄而觀之按微薄卽帷薄也音義竝同韋昭訓微爲

蔽訓薄爲迫義較迂曲又按釋文引國語云薄簾也當

係賈逵注國語下脫注字耳高誘淮南王書注云使袒

而捕魚設薄而觀之義亦同杜注木韋昭說亦訓爲迫

然究不若簾字解有實據韓非子十過篇又作袒楊而

觀之僖負羈之妻曰

韓非子作釐負羈史記漢書並同

吾觀晉公子之

從者皆足以相國若以相夫子詒顧炎武云當以此絕句

按晉語說此事云其從者皆相國也以相一人必得晉

國用彼丈相方其義益明必反其國反其國必得志於

諸侯得志於諸侯而誅無禮曹其首也子盍蚤自貳焉乃

饋盤飧寘璧焉公子受飧反璧及宋宋襄公贈之以馬三

十乘及鄭鄭文公亦不禮焉叔詹諫曰臣聞天之所啟人

弗及也晉公子有三焉天其或者將建諸君其禮焉男女

同姓其生不蕃詒鄭元周禮注蕃蕃息也

杜本此

晉公子姬

出也而至于今一也離外之患而天不靖晉國始將啟之
二也有三士足以上人而從之三也晉鄭同儕詩一切經

音義引舊說儕猶輩類也左傳晉鄭同儕是也按鄭元

注樂記亦同杜此注用鄭曲禮注其過子弟固將禮焉

況天之所啟乎弗聽及楚楚子饗之曰公子若反晉國則
何以報不穀對曰子女玉帛則君有之羽毛齒革則君地
生焉其波及晉國者君之餘也其何以報君曰雖然何以
報我呂覽注引作則何以報我對曰若以君之靈得反晉國晉楚治兵

遇於中原其辟君三舍詩賈逵云司馬法從遜不過三舍

三舍九十里也史記集解若不獲命其左執鞭弭右屬橐鞬

以與君周旋呂覽注引作周還詩爾雅弓無緣者謂之弭韋昭國

語注彙矢房通俗文弓檠謂之鞬鄭元禮記注屬猶著

也

也子玉請殺之楚子曰晉公子廣而儉

高誘引作廉而儉

文而有禮其從者肅而寬忠而能力晉侯無親外內惡之

吾聞姬姓唐叔之後其後衰者也其將由晉公子乎

高誘引公

子下多重耳二字

韻按此衰字當作興字解如古訓亂爲治同

與下天將興之興字互文古人往往有此文法天將興

之誰能廢之違天必有大咎乃送諸秦秦伯納女五人懷

贏與焉奉匱沃盥既而揮之**韻**說文盥澡手也春秋傳曰

奉匱沃盥鄭元儀禮注匱沃盥器也

杜本

按晉語韋昭

注揮灑也何承天亦云振去爲揮蓋懷贏不欲故以手

揮灑此水杜注灑也義轉迂曲怒曰秦晉匹也何以卑

我詔晉語公子欲辭司空季子子犯子餘勸取之乃歸女

而納幣且逆孔晁曰歸懷嬴東以貴妾迎之也公子懼

降服而囚詔服虔云申意於楚王伸於知己降服於懷嬴

屈於不知己本就他日公享之子犯曰吾不如衰之文也

請使衰從公子賦河水韋昭國語注云河當作沔字相

似誤也按杜云逸詩誤劉炫規之是矣公賦六月趙衰

曰重耳拜賜公子降拜稽首公降一級而辭焉衰曰君稱

所以佐天子者命重耳重耳敢不拜

春秋左傳註卷七終

曾孫用懃校刊